

ISTÓRIA KONA-BA IMPAKTU NO REZILIÉNSIA

HUSI EMA HO DEFISIÉNSIA

Fahe esperiénsia moris nian sei fornese perspectiva ba ema hirak ne'ebé halo planu no desizaun hodi haree ba ema hirak ne'ebé hetan impaktu husi sira-nia desizaun.

Hau iha oan nain 4 no ami hela hamutuk ho hau nia inan faluk. Hau iha defisiensia matan low Vision maibe hau nia kondisaun la limita hau hodi sustenta hau nia familia.

ANTES PANDEMIA

Antes Covid-19 akontese, hau nuudar ema nogosiante kada semana hau ba merkadu dala rua, hau lori sasan hanesan modo tahan ba faan. Maizomenus kada semana hau hetan osan \$50.00. nomos faan bensin iha uma oin besik esrtrada ninin. Osan ne'ebe hau hetan uza bah ola nesesidade familia nian nomos sustenta hau nia oan sira ba eskola no hola sira nia prezisa eskola nian.

DURANTE PANDEMIA

I ha situasaun Covid-19, transporte ladun halai mercado taka no ami ba merkadu dala ida-dala ida deit, maibe ami iha langanan, sira kontaktu ami, sira mai ho motor hola ami nia modo sira, maibe sasan ne'ebe ami faan la barak hanesan antes Covid-19 akontese, tanba ema la hola barak. Osan laiha hahan la too hau husu ajuda ba hau nia bin no maun sira ajuda fo hahan oituan mai ami no hola kadernu ba hau nia oan sira. Maske covid-19 nia laran maibe hau nia oan sira la para sira nia eskola no sira nafatin eskola. Husi Governu ajuda subsidiu \$200.00 kada familia ida, no ajuda mos pakote aihan hanesan; foos, mina,

IRINA S, TIMOR-LESTE



batar, fore mungu, koto, mina, kafé, masi-midar, rinso, sabaun, pepsodent, hand sanitizer masker. Governu ajuda mos batar hodi ami kuda iha ami nia toos.

DEPOIS DE PANDEMIA

Hau ho hau nia inan ami halo tos boot, kuda batar, aifarina, talas, lakeru, nomos ami iha kintal uma hun maske la boot maibe hau kuda modo, alfase no lakeru. Merkadu loke ona, transporte publiku sira mos halai ona, aihan sira iha toos laran balun ami han no balun lori ba faan iha merkadu. Iha tempu bailoron, aihan iha ami nia toos laran menus, hau sosa tutan fali husi kolega sira nia toos ba faan iha merkadu hetan osan. Osan sira ne'e balun hau uza sustenta hau nia oan sira nia eskola atu sira mos bele asesu ba edukasaun ho diak.

Publikasaun ne'e hetan apoiu fundus husi Governu Australianu liuhosi Departamentu Asuntu Esternu no Negósiu (DFAT), produs hosi RHTO no Nossal Institute, University of Melbourne, liuhosi parceria CBM-Nossal. Observasaun ne'ebé espresa iha publikasaun ida-ne'e hanesan observasaun autór nian deit, no la nesesariamente observasaun Governu Australianu nian.



LEE ISTÓRIA
BARAK LIU TAN

